

sinni. Í bók þessa skal hann setja það, sem bætist við, jafnóðum og það kemur og sömuleiðis hitt, sem er lagt niður. **53**
17. maí

Þetta kunngjörist hjermeð.

Í stjórnarráði Íslands 7. maí 1905.

Í fjarveru ráðherrans

Kl. Jónsson.

Jón Magnússon.

Auglýsing

um viðauka við erindisbrjef handa ráðskonu holdsveikraspítalans í Laugarnesi, dagsett 10. september 1898. **54**
17. maí

Samkvæmt tillögum yfirstjórnar holdsveikraspítalans í Laugarnesi hefir stjórnarráðið samþykkt viðauka við erindisbrjef handa ráðskonu holdsveikraspítalans í Laugarnesi, dagsett 10. september 1898, og bætist viðauki þessi aptan við 3. gr. erindisbrjefsins. Viðaukinn er þannig:

Hún heldur bók löggilta af yfirstjórn spítalans, þar sem hún telur öll þau búsgögn spítalans, sem henni eru fengin í hendur, og setur það, sem bætist við, jafnóðum og það kemur, og sömuleiðis hitt, sem lagt er niður.

Þetta kunngjörist hjermeð.

Í stjórnarráði Íslands 17. maí 1905.

Í fjarveru ráðherrans.

Kl. Jónsson.

Jón Magnússon.

Hafnarreglugjörð

fyrir

Reykjavíkurkaupstað.

Stjórnarráð Íslands hefur 1. apríl 1905 gefið út svofellda hafnarreglugjörð fyrir Reykjavíkurkaupstað. **55**
1. apríl

I. Hafnargjald.

1. apríl

1. Af öllum skipum (að undanteknum þeim, er síðar getur um), sem mæld eru til lestatals, hvort sem þau eru hlaðin vörum, með seglfestu eða eru tóm, skal greiða hafnargjald af öllu farmrúminu í hvert sinn, er þau leggjast við akkeri fyrir innan eyjar þær, er að höfninni liggja, eptir að þau hafa komið frá Danmörku eða útlöndum, eða ef um skip ræðir, er fara aðeins milli hafna á Íslandi, þá er þau hið fyrsta sinn á árinu leita inn á höfnina, þannig:
 - a. af skipum, sem eru eign búsettra manna í Reykjavík, 3 aura af smálest hverri;
 - b. af skipum utanbæjarmanna 5 aura af smálest hverri.

Þá er skip tekur úr landi eða flytur í land vörur eða farþegja, geldur það enn fremur 10 aura af hverri smálest, hvort heldur það er innan- eða utanbæjar, innan- eða utanríkis eign.

Hafnargjöldin og önnur gjöld þau, er ræðir um í reglugjörð þessari, renna í hafnarsjóð Reykjavíkur.
2. Hafni skip sig optar en einu sinni á árinu á Reykjavíkurhöfn, greiðast gjöldin eigi að fullu nema hið fyrsta skiptið, en aðeins með $\frac{3}{4}$ hin önnur skiptin.
3. Af þilbátum, sem eigi eru mældir til lestatals, greiðast hafnargjöld, þá er þeir eru hafðir til vöruflutninga. Ef þeir eru eign bæjarmanna, greiðast hafnargjöld af 4 smálestum, en af 8, ef utanbæjar eru.

II. Aukagjald.

1. Öll utanbæjarskip, sem dregin eru á land á Reykjavíkurfjöru til hreinsunar eða aðgjörðar, gjalda fyrir hvern sólarhring, er þau þannig liggja á þurru, 2 aura af hverri smálest, sem þau eru mæld til, og telst partur úr sólarhring sem heill væri.
2. Öll skip, sem eptir áðurtöldu eiga að greiða hafnargjald og hafna sig á tímabilinu frá 14. ágúst til 14. apríl, skulu greiða fyrir vitaljós hafnarinnar 2 kr. í hvert sinn, er þau leita hafnar á þessu tímabili.

III. Undanþágur frá hafnargjaldi.

1. Öll herskip og skemmtiskip, hverrar þjóðar sem eru, eru undanþegin hafnargjaldi.
2. Öll skip danskra þegna, sem eru að fiskiveiðum við strendur Íslands, eru undanþegin hafnargjaldi, ef þau afferma ekki nje ferma annað en það, er veiðar þeirra og útbúnað snertir. Svo eru og undanþegin hafnargjaldi skip, er leita hafnar vegna sjóskemmda, enda þótt farmur þeirra hafi verið á land borinn, ef þau aptur flytja burt allan farminn og ekki annað.

Fiskiveiðaskip utanríkismanna eru ekki undanþegin hafnargjaldi.

IV. Um notkun hafnarinnar.

Fiskiskip og önnur skip, er ferma eigi nje afferma, skulu eptir nánara ákvæði hafnarnefndar leggjast svo á höfninni, að þau tálmi eigi ferming nje afferming verzlunarskipa.

V. Seglfesta o. fl.

55

1. apríl

Seglfestu má ekki taka í landi bæjarins annarstaðar en þar, er lögreglustjóri leyfir. Eigi má kasta út seglfestu á höfninni, nje heldur flytja á land bæjarins, nema lögreglustjóri leyfi.

Eigi má kasta út aptur akkerum eða öðrum áhöldum eða leyfum af skipum, sem slætt er upp á höfninni, heldur skal flytja slíka muni í land og afhenda lögreglustjóra til löglegrar meðferðar.

Reglugjörð þessi öðlast gildi 1. apríl 1905 og skal endurskoðuð fyrir 1. janúar 1916.

Í stjórnarráði Íslands, 1. apríl 1905.

H. Hafstein.

Jón Hermannsson.

Útdráttur

56

23. marz

úr fundargjörð sýslunefndarinnar í Húnavatnssýslu á aðalfundi 13.—18. marz 1905.

26. Samkvæmt fyrirætlum amtsins í brjefi dags. 9. marz f. á. ákvað sýslunefndin, að meðalmeðlag af hálfu barnsfeðra með óskilgetnum börnum í hverjum hreppi sýslunnar frá 14 maí 1904 til jafnlengdar 1909 sje hæfilegt 40 kr. á ári.

Rjettan útdrátt staðfestir

Skrifstofu Húnavatnssýslu 23. marz 1905.

Gísli Ísleifsson.

Breyting

57

10. apríl

á reglugjörð fyrir Norðurisafjarðarsýslu um lækning hunda af bandormum o. fl.
15. marz 1897.

I.

1. málsgrein 2. gr. orðist svo:

Haust hvert í nóvember skal lækning fram fara á öllum hundum í sýslunni.